

小峴山人詩文集

小峴山人詩集卷二十五

無錫秦 瀛凌滄

陳景辰招余再游荆溪有作

汎上人家背郭開樊川舊宅長蒼苔衰顏照徹荆溪水
投老殘生得再來

縣齋別後一尊殘螺女祠前九月寒仔細只教指老眼
銅官山色許重看

南嶽

瀟湘大名齊蒼然俯礪溪鶴巢緣絕壁僧影度懸梯蘿
蔓崖門暗雲垂嶽寺低荒唐笑孫皓寂寞舊金泥

孫皓嘗封

此禪於

龍池寺

峭壁插空冥精藍倚翠屏
潭幽龍氣合簪密虎風腥
午飯聞齋鼓斜陽語堦鈴
晚來高閣上微見兩三星

陽羨詞十二首

周處廟前秋草多蛟橋如畫鎖
煙波斜陽簫鼓散如雨
一抹遠山明翠蛾

鯉魚無數跳波來不見任公舊日臺
嫋嫋青絲長百尺
落花風裏釣船回

暢好年光三月時家家門巷柳絲絲
只今水榭無人問

寂寞風流杜牧之

僊洞斜開玉女牕桃花流水琤淙祝英臺近龍巖路
蛺蝶飛來總作雙

薔薇塢畔畫眉啼皂莢橋邊桑葉齊太息前年兔牀死

更無人與話桃溪

海寧吳兔牀寓陽羨最久作桃溪客話

孫吳遺跡鎮屢屨剔抉摩挲字畫奇好古誰如陳處士

築亭重護國山碑

國山碑亭唐陶山宰荆溪時再建吳兔牀爲作國山碑圖考近漸圯陳景

辰請於權令趙北嵐重築

采采幽蘭遂谷藁僊人家住碧玲瓏素書好乞張公姥

不用丹砂訪葛洪

棟樹花開水上初浣紗女隔碧谿喧妾家緊靠蝦籠嘴
山色銅官恰對門

繞塢簷簷曲徑紆山禽磔磔喚提壺焙茶挑笋此時節
纖手爲郎烹竹茹

磬山寺前木葉飛清霜九月煙霏微最是荆南好風景
楓丹菊白柿狐肥

寥落南朝四公子不堪重問黨人碑紫雲散去楊枝老
腸斷迎陵一卷詞

四公子者謂陳定生及方密之
冒辟疆侯朝宗皆復社黨人

昔年曾見考槃圖在陸草堂今在無文獻只今零落盡
遺谿樓亦夢模糊

考槃圖爲儲在陸作
余爲諸生時曾見之

八月二十四日舟次湖汙空盤輿至柏子山尋一
綫天步行數武怪石森立足底皆泉聲琤琮滿巖
壑一綫天在咫尺阻潦不得窺取道至玉女潭潭
影黝黑四圍皆石玲瓏可愛行三里許爲洞靈觀
尤支簡所嘗遊處也觀久廢前人碑碣無一存但
餘雙石柱聳峙林表其旁卽張公洞洞口頗陝側
身入至所謂鯽魚背者足弱不能行同遊諸子秉
炬穿穴竇徧歷諸境出而爲余述之與邵青門遊
記所述畧同其前洞稍寬廣在山頂盤輿不克上
遂返湖汙登舟爲惘然者累日

路入荆南山，脩篁蔽層巘。涼露濕芒屨，幽步愜登踐。所
履皆坡陀，怪石忽凌蹙。腳底聲淙淙，洞壑了莫辨。聞有
一綫天，俛視等覆轆。其中見日月，隙光入流眄。褰裳阻
秋濤，神往足先蹇。紛紛山桂落，泠然列風善。

湛湛玉女潭，潭氣森幽沈。黝黑太古色，其源不可尋。上
有陰風吼，下有潛蛟吟。混沌鑿天竅，崩裂百丈深。危崖
蘊奇賞，悟彼靜者心。歛忽駕鸞鳳，玉女時來臨。安得撫
商軫，一鼓龍脣琴。

遵塗趨洞壑，僅見石柱矗。一路山禽聲，喧喧鳴灌木。我
欲叩虛牝，窄洞出林麓。稍稍側趾入，寒風滿巖腹。徑滑

鯽魚背欲以尻代足人言洞中天中有僊人屋香臺森
高低幻石變青綠靈境不可名詭狀非一族年衰惜窘
步門外空躑躅隔谿招夜猿來伴白雲宿

東沆

纔過西沆又東沆嫋嫋秋風吹夕波銀魚出網白於雪
中有老漁來唱歌

蜀山

昔從馬跡望煙螺今日名山策杖過里社秋來紛賽會
卻無人與說東坡

一尊我欲弔髯蘇日日青絲挈玉壺便擬買田三百頃

此間更種橘千奴

望太湖

三萬六千頃古今如此流星河天上浴日月地中浮浩
淼爾何極蒼茫吾欲愁明朝挂帆去一舵洞庭秋

菴畫溪

舟行菴畫溪身入菴畫裏溪頭鷗鷺會招人一堆蒼煙
飛不起數聲潑刺躍錦鱗落日倒影含青蘋中有漁人
隔船語笳箬腰邊弄煙渚青山漠漠光有無扣舷荒忽
驪龍趨船頭明月如可呼不知海上蜉蝣島釣竿誰拂
珊瑚株

梵覺菴留別黃梧崖陳景辰暨楊蘭谷諸子

扁舟招我渴湖濱共此翛然自在身
苔蘚滿堦多鶴跡杉松繞迕盡龍鱗
門前古嶂連唐貢屋裏清談類晉人
尊酒殷勤申後約明年誰訪武陵春

陽羨山家

一徑入煙霏家家傍翠微風高林虎過
月黑渚禽飛射獵客朝去采苓人夜歸
吾當此隣住拄杖叩巖扉

金壇行

我經金壇縣因過故相里繫昔乾隆初
拔萃擢上第孔雀翹毛羽鸞鵠想停峙
聲名動九重洊厯陟撫仕度

吏領太農樞要參國紀遂登政事堂百僚仰端揆贊襄
在密勿出入承詔旨非常賜顏色

漢大學士
花翎自故相始賜

主眷罕儷比妾媵被翟弗與馬塞街市西南值軍興文
檄方倚毗退食日已晡燕閒少刻暑門徒竊威柄妄恣
怒與喜諸司每屈郝翰林拜牀第在外諸大吏亦或通
私匭議開翹材館四庫盛文吏終南有捷徑紛紛取青
紫某公適驟貴左右側目視謠詠生蛾眉傾軋從此始
無何遽遘疾奄忽竟不起黼座聞震悼易名錫褒美
國恩軫舊勞賢良特予祀何人構蜚語追論及簠簋
生前獻阿諛身後遭謗毀崇祠俎豆撤遺櫬郊原委喪

車出國門執紼鮮朝士貴妾荷斥逐飄流汝河浹隻身
依堦家卒以非命死在再四十年事往疾於矢零落舊
里門堂階滿荆杞近年太守亡諸孫半遷徙盛衰等轉
燭富貴安足恃我昔厠公門旅見可屈指偶因竇東武
稱道余姓氏師門溯淵源涕淚不可止仰看天際雲俯
視東流水

陵口

銷沉建業霸圖空石虎拋殘夕照中麥飯一盂何處問
蕭蕭榭葉鳥呼風

江上聞琴聲

濁酒不自醉慘慘江上心何人撫孤軫哀怨激楓林遠
見月初上悅聞猿夜吟泠泠七絃裏好奏和平音

訪吳穀人於安定書院適徐雪廬至穀人留飲得
詩一首

廣陵城外瀟瀟雨昨夜思君隔煙霧衝泥今日訪君齋
尊酒相逢話情懷白髮看君七十強爾我頭顱總非故
高樓同瞰越江湖畫船並繫秦亭樹往事低徊若夢寐
八月重來望胥母座上詩人徐孝廉肅瑟江關舊詞賦
吳興瘦沈早沉薶怕踏平山堂下路

伊墨卿守揚州時
曾邀予及沈舫西

太守游平山堂
今舫西久沒

屠琴塢令儀徵築亭於縣齋之西四面皆竹余爲
題額曰竹亭屢請余過之不果舟次瓜洲寄之以
詩

亭前萬个種篋管門外青山落日牀想得壑江如畫裏
捲簾潑墨寫江光

渡江擬訪王柳村於翠屏洲阻風不得往歸後作
詩貽之

聞道詩人家翠微門前滾滾怒濤飛曲江亭畔客還臥
孝先洞邊龍夜歸不知江左幾人物

柳邨方著江左人物考久住

海山忘是非如此風波行不得我欲從之心事違

五牧弔麻尹二將軍

丞相勤王日將軍竟死忠
虛堂驅鬼馬故壘泣沙蟲
雨涇邨煙白燐飛廟火紅
何人拾遺鏃髣髴響刀弓

書感

冉冉浮雲仰太虛蕭森落木感彫踈
一年又到秋殘後萬事真成腹痛餘
白骨愁添新鬼錄青山斷絕故交書
獨行林下誰同調賸喜柴車已遂初

自揚州歸有作

乞身吾自愛吾廬江國無勞歎索居
且喜故人貽藥物不妨高枕看農書
洞庭日落鳴山鷓笠澤風微呌水鷗

莫怪長安消息斷已將蹤跡擱樵漁

慧川園訪唐鷺廷

沿溪落葉作飛雨溪上有人來叩門獨抱孤琴正愁絕
秋來爲我一開尊

病起

伏枕連三月悠悠歲欲更意中甘永別望外得重生噩
夢醒猶悸危難過漸平感蒙高厚德衛武不勝情

乙亥除夕

殘臘風光裏衰年疾病餘今朝又除夕病與歲俱除竹
子知消息梅花問起居屠蘇應後飲一笑樂軒渠

丙子元旦

曉色瞳矓日映軒上堂家慶列兒孫、九重早鑒歸田
志四世均沾 錫命恩凍解東風重建子暄迎 北闕
正朝元老懷久已安耕鑿擊壤應同野叟論

人日

正月人
日立春

人日尙爲人風光歲又新杯盤方餞臘梅柳欲迎春久
與山水隔惟於藥裏親斜川游未得陶令悵茲辰

贈羽士

道士下山去入城來著碁行年八十四素髮幾莖絲回
首山上路白雲無盡時飄搖雲際鶴共話還山期

九峯菴僧來約看梅不赴

終日長掩關衰年困醫藥梅花滿山中忽在山中約情
濃跡偏阻惆悵憶蘭若何時續良遊流連池上酌

追悼吳兔牀

聞爾幽棲處一樓江海間家藏晉人集

兔牀刻陶謝門
二家詩最工

對越州山經席生前奪詩魂死後閒東湖華表在茲見
鶴飛還

蓮廬

天地蓮廬內安知吾道艱環階惟綠樹對面卽青山風
浴吾與點簞瓢子鑄顏三重茅盡屋不與世相關

夢醒

屢轉銅壺夜欲殘
簷前北斗掛闌干
五更夢醒鐘聲裏
猶作宮門待漏看

曉起

禽語悅朝旭
落花深閉門
斯人皆可與
夫子欲無言
隱几衆峯下
彈琴孤樹根
偶然讀老易
獨立信乾坤

讀史

苛政明廷痛掃除
百年禮樂奠皇輿
曾聞寬德思開網
幾見仁風泣下車
治獄世推于定國
緩刑書上路溫舒
繇來經正消邪慝
不用蒼鷹事擊鋤

寄嚴太守樂圃

十年不調漢中守循吏如君今所難
草莽何緣重薦汝
音書斷絕棧雪寒

題水哉軒

兀兀者誰子臨流屋半間
簷前范寬水牕外米顛山綠
茗此時熟白鷗相對閒
勞勞行役者江上幾時還
時小西弟
之京師

袁茗設禪

吾家法喜亦通禪
彈指曼陀證大圓
解識雖摩眞妙諦
梅花數點綠牕前

偶題

青蓮座畔燕長明
雪北香南了夙盟
誰是東坡老居士
常依天竺古先生
春風不動欄花發
夜月忽高山鳥鳴
吮墨含毫寫經處
袈裟一領道初成

山中探梅

詩思滿驢背
入山尋早梅
尙餘殘雪在
已有數枝開
寂寞青松下
蕭疎碧澗隈
好邀林際鶴
終日共徘徊

余年老寡寐向以爲苦
近得睡訣頽然就枕合眼
便睡沕乎穆乎昏然默然
不自知其身入黑甜之
鄉而游華胥之國也
爰顏其齋曰睡軒以詩賦之

遂菴先生日高卧不管花開滿庭戶今晨偶啟南軒牕
桃花李花開無數陰陽爐炭詢鴻濛造化搏弄何其工
一花一瓣一太極花下笑倒希夷翁有客有客花下來
勸公撥甕傾金罍先生爛醉復酣睡但聞鼻息聲如雷
喜李許齋至二首

連朝春雨淫新苦已有鳴桃無數開我正支頤看山色
門前忽報故人來

頻年消息隔三山重訪茅齋慰別顏太息平生師友盡

錢公墓下淚痕斑

許齋出錢竹汀先生之門先生歿刻其遺著

寄錢唐開化寺僧

僧欽人

一榻江聲裏長年傍化人家從黃海別心與白雲親虎
伏談經席龍叅入定身相從問僧臘久已忘冬春

過城東樂天先生故居

先生自號箬溪居士其所居之東爲錢礎石先生之

十峯草堂稍折而西爲千休館大音先生讀易處也毛檢討西河亡命時嘗寓先生家

先生讀書處寂寞箬溪風師友遺民盡蓬蒿舊業空芳
鄰失錢叟名士憶毛公文獻今零落千休剩半弓

贈南禪寺首座僧

城南有古寺杖錫何年來弟子階前石鄰家屋角梅法
雲生講席呪水滿香臺松下長趺坐袈裟長綠苔

惠山遇忍草菴僧談天台石梁之勝

與世不相入，山中日徘徊。古松流水外，碧眼一僧來。鶴
下繙經室，烏啼施食臺。此間容病叟，耄說天台。

聞周松齋姚姬傳兩君相繼徂，謝感而有作。

不信龍蛇厄，兩賢相繼徂。彫零看老輩，寂寞到吾徒。甚
矣斯文喪，傷哉大道蕪。緘書寄翁叟，極北一星孤。
謂覃溪先

山游

清曉出門去，滿山紅杏花。沿溪穿篠竹，夾澗有人家。曲
擬遊盤谷，深疑泛若邪。病夫無一事，到處是生涯。

聞賣花聲

一架茶蘼映畫屏
賣花聲裏夢初醒
渾忘八十年光近
還似兒童枕上聽

舟至松江城外宋仁圃太守以車馬來迎賦此卻
之卽示雲間書院諸生

崑山日落暮雲寒
輕櫂閒停谷水湍
但載琴書如屋裏
漫勞車馬候江干
事如春夢朋友盡
王述菴吳移堂
陸璞堂俱下世
到頽齡揖讓難
莫遣諸生問奇字
年來已在霧中看

山塘春暮

金閶亭接綠楊津
眞孃墓前蘭葉新
繞塔白雲緣磴寺
當牕紅袖倚樓人
銷沉霸氣還畱石
寂寞芳心已化塵

欲問吹簫吳市客
蕭蕭暮雨送殘春

訪倪園雨中登樓望橫雲山

吳淞煙水皺魚鱗
偶訪名園步履新
風雨陸機茸畔路

畫圖倪瓚閣中人

傳是雲林遺跡

幽禽隔竹常啼午
曲徑閒花

已殿春一抹橫雲山色好
絕無車馬似平津

謂王橫雲尚書

沈十峯招飲嘯園同席爲崔教授亦園梅孝廉小

俞

花外簷簷漾綠蕢
平池漱灩石嶙峋
園亭風物如前代

園爲前明范太僕構菴別業

筆墨因緣有故人

園中多王惕甫留題之作

十載久

勞江上夢一尊暫駐座中春
山邱華屋無窮感
瘦盡東

陽已化塵

謂十峯今兄綺雲

寄懷葉雲素程春廬二首

我憶農曹葉雲素白頭憔悴尙爲郎
連牀萬卷千竿竹夢遠臨江舊草堂

卓犖吾門程十四頻年橐筆在金臺
知君出入承明重不賭宣城太守來

晤陸野橋旋別却寄徐雪廬二首

不見詩人陸野橋年來絲鬢劇飄蕭
偶然握手由拳路又逐春風上畫橈

海門風雨大江秋約我同登北固樓

煙花三月夢揚州

忍草菴

我欲招林鹿山行當僕扶松雲綠客屨泉水入僧厨忍
草當堦長幽禽隔檻呼題鐫碑五尺香火伴貞姑

吾師寶東

臯先生之女貞淑
未嫁而殤葬菴側

宋叟行

童時我住耆英里對門宋叟老無比問年一百十二齡
能談甲乙年間事甲申三月北都亡流賊忽登天子牀
江南去京四千里市區不動無蒼黃布衣誓斬賊臣首
華鳳超先生作討六賊檄諸生孫南公源文設
崇禎帝位於南禪寺縛草爲六人書其名斬之文肅喪

歸惠山阜北看邊塞已 飛龍南渡君臣尙偷狗 王

師一旦下滄江白下九鼎無人扛潤城太守棄印走毘

陵御史開門降傳檄神州定南紀吾吳何意黃兵起黃

領兵入太湖進城赤羽朝飛江上雲黑風晝捲湖壖水

暨陽鉦鼓隔煙聞乘月登陴戰火焚舉燾先梟王玉汝

諸生顧子方杲起義其友斷頭况有何將軍何參將以

王汝阻之先斬以徇培被檄至 城強梁劇盜多於蟻剽劫鄉村徧衛市嚴卒就縛鮑

死之 三鋤嚴二幸七胡鮑三皆順 從此茅簷棄弩矢承平百

載埽埃塵薄海處處熙陽春白頭閒話滄桑事親見君

家六世人叟及見先海翁 公迨余六世矣

夜夢雪中登焦山

孤峯橫截海門煙雪滿長江雪滿天我欲狂歌登絕頂
五更驚起洞龍眠

湖上

楊柳月移水岸荷花風送船牕我是香山居士只欠歌
童一雙

釣石

高柳聞鳴蟬颯然秋有聲西山隔林麓一角斜陽明秋
水滿釣石坐看溪雲生

古采行

在惠山作

風高木脫萬象枯一朶兀立寒巖孤混沌元氣不肯死
化作鐵幹盤根株天陰月黑雷電走怒張鱗鬣恣攫拏
五更風雨動絕壁濤喧衆壑神靈趨人道支離一老叟
我謂直是彭聃徒武夷函谷墮遺蛻壽藤翠蔓交縈紆
下有茯苓作人狀二泉玉液涵膏腴李陽冰篆石牀畔
圖畫吾欲煩倪迂

有遊澱山湖者贈之以詩

澱山一簣水中坻秦女還畱舊日祠日暮微風生殿角
金支翠羽閃雲旗

小峴山入詩集卷二十六

無錫秦 瀛凌滄

謝文節遺琴歌爲吳素江作

建陽橋邊賣卜硯大興廷尉今弄之

硯存查少廷尉淳虛

琴今

今瘞朔漠五百餘載無人知桑乾河頭走沙石天陰月

黑狐狸竄一朝灰洞吐光怪神物出土定有神扶持昔

年流落開闢路趙宋江山已非故亡命曾歎變姓名累

囚何意來燕市琴兮琴兮形軀短小狀貌樸古常相隨

用朱竹垞玉帶生歌詩中語

親見先生憫忠古刹絕粒死世間萬事

豈偶然龍津劍合多奇緣延陵好古更博物摩挲拂拭

歷劫猶完堅東山之桐西山梓十有六字分明鐫號鍾
之製疊山號沃以谿水篆蹟一一蛟螭纏古色紋藏土
花碧淚痕血印朱砂斑君不見文丞相青原寺夜雨瀟
瀟欲斷腸松風一闌空山裏先生一去五百春琴兮琴
兮猶是天水之遺民想見伯夷采薇曾連蹈海志不滅
海山蒼蒼彷彿建陽賣卜却聘書中人

春夜聽友彈琴

梅花高館落風雨夜沈沈有客舉帷入爲余彈玉琴寒
燈半欹炮幽思抑何深千載渺孤賞寂寥牙曠音

柴門

柴門正逐碧溪開五月寒深夢未裁偶爲客過忙治具
縱無人到獨銜盃已刪塵事真宜靜轉憶華年大可哀
長日隔籬呼墊鶴庭前爲我咏蒼苔

汎埽

籬編鹿眼種篴簿一徑桐陰覆短墻汎埽風軒兼月榭
安排綈几與繩牀檢書靜得觀心法曬藥閒知却病方
倘有故人來問訊莫嫌顛倒老夫狂

李石農自粵臬擢仕蜀藩過訪草堂尊酒聚歡以
詩送別並寄示漢中嚴樂圃太守四首

握手龍峯下城西舊草堂梅花過庾嶺江路入羌風

雨青尊共乾坤白髮長相逢復相送明夜宿丹陽

天意存吾道斯人荷聖慈真因重清節更許陟華資

水接嘉陵險山連劍閣奇如逢漢中守爲我說相思

昨得章門信開緘慰別顏故交雖地下詩卷向人間

適得

阮中丞書寄到新刊法時帆詩集

把劍看燈地停觴各鬢斑諸公方衰

衰老我只投閒

益部提封大蠶叢萬里餘頻年息烽火沃野徧耕畝珍
重蒼生念艱難遠道書浣花如有什好附錦江魚

過寶界山居

昔日王僉事幽棲偶築廬斯人不可見如此好林居山

雨肥黃雀溪風上白魚我來憑弔處寂寞摘園蔬

過崑山追述外家舊事八首

梅花高館月昏黃元夕張筵泛羽觴酒冷燈殘人散盡

夜鳥啼老碧山堂

見姜湛園元夕碧山堂讌集序

傳神妙手禹鴻臚曾寫名園脩禊圖一百廿年遺跡在

虞山錢老淚痕枯

遂園脩禊圖者禹鴻臚爲尚書健菴先生作康熙甲戌上巳日先生集錢

相靈諸名輩脩禊遂園是年秋先生歿湖靈以丙子補題畫卷有丙年秋歎甲年春之句

秘製龍威古洞幽西風一舵太湖秋尚餘山館延賓客

投老溫公事校讐

尚書乞歸時仍奉命脩一統志延閣百詩輩設局於洞庭山館

憔悴歸田百不堪西州有淚灑羊曇墓田荒後無人問

寂歷松杉傍佛龕

立齋相國罷職歸著有歸田賦其安也姜湛國爲文祭之今相國無氣墓

在虎邱寺後

當年黨論太紛紜謗滿中山苦未休及到桑榆蒙 丙

召劇憐華屋遽山邱

平生師友一長洲患難周旋共白頭

尚書嘗被急徵門生故舊多避匿唯

韓宗伯墓廬以小舟送至淮上尋釋還

八百孤寒齊下淚愛才爭哭李崖

州

太僕文章澹園集光芒照耀共千春酒闌執手殷勤語

望汝他年作替人

童時外祖二磯先生飲於吾家持歸太僕文集及澹園集付余曰汝他日

爲文章當似此也

平泉花木已全荒落葉蕭蕭剩古樟夢裏欲尋何處是

舊時門巷夕陽黃

樟園相國別業也室廬久廢特一樟樹存耳

送小泗弟還任江右二首

章江吾有弟作令古臨川報最朝京闕還家省墓田常

懷故山戀難得上官賢不獨酬知己斯民望眼懸

小泗將以

病告阮中丞書來促行

執手復言別一樽江上殘弟兄皆老大身世各艱難後
會知何日連宵夢故懽相期堅晚節常耐雪霜寒

再至松江二絕句

秋高九月鯉魚風鼓櫂橫塘渡洲東落日登樓無限好

橫雲山下看丹樞

城西古屋訪倪迂黃葉渡頭黃葉疎
病叟近年無一事重來端爲喫鱸魚

偶成二絕句

大小二沈工八法華亭尙書尤擅長
五百年來兩文敏

壁間遺墨認香光

沈氏嘯園多香光石刻

名滿公卿一布衣四方幣帛走荆扉
翁公一去風流歆

寂寞奈山空翠微

奈山舊有翁公別業

過嘯園訪陸野橋適欽吉堂至却寄徐雪廬二首

斜陽照古巷偶訪孝廉齋
寂處感離索素心誰與諧
高

人在隣舍異地得同儕共話長松下菊花開滿堦
雪廬在揚州迢迢隔江水離雁方南翔秋思沒如此落
葉滿橫塘高風弄清泚偶釣松江鱸悵然念之子

古倪園登挹翠閣望天馬山

秋風從何來吹我上高閣好山如故人飛翠入簾幕自
雲挂簷楹斜陽照林薄慨然念今古鐵崖不可作當年
天馬麓孤蹤偶栖托邱墓亦在茲一坏緬寥廓邈矣荆
蠻民千載同寂寞

過徐文貞故第

公卿獻媚尚青詞自有聲名重四夷濟惡豈堪容老特

鋤姦未易覆欽鵠柄臣一代多相軋國是千秋遂不支
舊宅荒涼衰草偏更無人立道旁碑

謁陳夏二公祠

祠祀陳忠裕夏節愍在廣富林卽忠裕薤處

五月炎天晝景昏孤臣背血灑乾坤林空烏鵲徒三匝
泣盡枯魚到九原白馬胥濤猶飲恨女蘿山鬼與招魂
平陵一曲餘坏土大鳥猶疑立墓門

秣陵官闕已滄桑荆棘銅駝似洛陽填海有心空抱石

呼天無路只沈湘生邀徐穉同幾社謂徐閣公先生死有汪錡

共國殤木末孤亭留碧血大荒披髮侍高皇節愍子中書舍人完

淳殉節
金陵

南禪寺

繞徑綵笳萬个青林梢怖鴿下空庭杖藜又到南禪寺
坐聽天風語塔鈴

龍門寺

寺有楊鐵厓遺跡

城西一角龍門寺竹木蕭穆冷於水我來不見白衣人
魚梵聲喧暮雲裏天馬山前落日孤誰吹鐵篴下江湖
閒僧不解前朝事滿院松風鳥自呼

青龍江

元季江陰王逢避地處

青龍江上朔風寒暮雨瀟瀟急暮湍席帽山人曾隱地
干戈不到有漁竿

維亭

落日過維亭驛路寒煙裏君若問蘇州橫塘三十里

胥江夜雨

吳楓一夜落寒色滿歸舫蓬背松江雨尊前笠澤濤疏

鐘山寺暝遠火驛樓高明日家人共梨花醉濁醪適友人惠

酒名梨花春

過陽溪

腸斷鴈聲如鴈挂帆飛渡陽溪無恙青山罨畫柴門藕

蕩橋西

卽興

茗莢香烹陸羽茶石闌干護竹籬
呼童縛帚掃桐葉約友携尊尋菊
花了識人生短於夢時聞某公病劇
漫教世事紛如麻門前好放蜻蛉
艇聞說前溪似若邪

自題水哉軒壁

近郭青山映薜蘿風光北似洛城
多三間瀟灑臨溪屋便是先生安
樂窩

偕惲子居游惠山訪竹茶壺卽與別二首

子居不得志來往江湖間泰伯城
邊宿同尋古華山高僧性公渺寂
寞松風間身世無可說月明溪上
還師友平生誼相思夢寐間寒鐘
北蘭寺殘雪太湖山將

母念尤切著書身未閒因風念余季倦鳥亦知還

子居與余

弟小泗善故及之戴文端爲子居座師而密友則其鄉人張阜文也北蘭寺在南昌城外文端葬於南昌

聞菊溪制府之訃以詩志悼

節制東南五載餘一生心力盡河渠益延謗議公難免

經世才名我不如欲踐夙盟傾肺腑誰知末路斷音書

蓋棺地下留遺憾孤負萊陽把臂初

菊溪與頤園初尚書久故前年尚書

權江蘇巡撫以事劾菊溪菊溪亦劾之頤園以此得罪

夢中作

離山四五里已覺聲潺潺近聽却無有其源還在山忽忽見飛瀑飛出青松間水流不知處白雲相對閒

鴈峯上人自狼山渡海來索書以詩贈之

連朝風雪不開門海國僧來剝啄喧爲道柳村無恙在

明年訪我杏花軒

上人携王柳村詩集至杏花軒吾家軒名

爾本家居鴈蕩間焦山東去又狼山西風海上魚龍靜
携得名泉一鉢還

余夜夢至一處林壑幽邃迴絕人境一道人迎謂
余曰此武夷山之沖夷觀也公他日當主是觀耳
余笑而領之曰沖兮其若虛坦然其若夷觀名其
詔我矣道人忽不見余夢亦覺因作沖夷觀歌

武夷谿九曲昨夜入我夢丹崖翠壁誰所都鐵籬無人

醉三弄雙扉呀然宮觀開道人拂塵獨立蒼巖隈萬壑
長松落松子松下鶴跡紛綠苔道人爲我言武夷實靈
藪烹霞之鼎春藥白葛翁朱砂無不有采芝餌朮三千
年茯苓如人杞如狗鐵橋高高上有蝴蝶如車輪石門
洞口橘實累累大於斗問君可是武夷君或是彭鏗之
後身道人不答但視空中雲天風泠泠不可住來無縱
公去無路熊咆虎吟何處尋夢覺全身滿烟霧

滴露泉

不見二泉翁研朱點周易涓涓滴露泉依舊寒潭碧

泉在

惠山點
易臺

書顧子方先生手蹟後

閣門鷹犬阮懷寧金虎官鄰烟正騰終古黨魁留姓氏

一腔熱血灑山陵

先生之留都嘗詣孝陵大哭

義旗東指稱奇節天

命西歸怡大乘

先生起義援江陰行至砂山爲亂兵所殺破難時笑曰命也夫吾其西逝矣其

下有道還者述之見先燈嚴公記事公先生甥也

手澤尙存池館廢清尊北海

涕沾膺

見黃漢臣先生過子方故居詩

秋暮游石門

穿破芒屨礧礧交洞門中圻儼西峭峯腰石礙雲爭路

屋角松懸鳥認巢瓢貯澗泉和月挂扉迎鐵杖帶烟敲

此間不用人招隱蜚逕應占第幾爻

小茅蓬內有室曰逕軒

輓趙北嵐二首

曾遊善權寺一櫺畫溪迴偶訪趙明府相將對酒盃鬚

眉遺像在

拜瞻郭華野先生及太常公遺像

門巷古祠開

同謁盧忠烈祠

爲道

邦人意殷勤望再來

時北嵐將去荆溪任

風雪梁溪口停帆過草堂前年執手後寂寞永相望歸

旄還東國傷心似北邙黃門消息斷身世兩茫茫

謂令叔給

事未形

戲題帶經堂集後

山人白髮不勝梳池北蕭閒樂道初不信風懷渾未減

月賓還侍老尚書

青山寺

向同俞伊樂遊此
今閱十五年矣

古樹迷人代青山抱寺斜
經聲隔雲塢泉響入籬笆
已悟生涯幻從看歲月賒
朋友零落盡誰與證楞伽

曉起聞鳥聲甚樂

年衰苦嬰疾端居殊索寞
言念平生懽逝如風隕籜
人生無百歲老懷焉所托
曉起罷盥沐窈窕緬丘壑
雨歇脩竹藜初陽暝惟嘆
忽聞林間喧坐覺鳥聲樂
嚶嚶相和鳴悠揚止復作
我心亦陶然忘言倚高閣

薄醉

休倚玉闌干花飛春又殘
午風消薄醉斜日怯輕寒
怕

聽哀箏響愁將錦瑟彈不堪頭白後重憶少年懽

吳門舟中寒食

青簾白舫畫中行聽得東風喚賣餠愁殺金閨門外柳
拖煙曳雨作清明

清明日登崑山

古殿蒼涼倚碧岑浮圖倒影畫沉沉仲瑛舊宅龍洲墓
幾樹棠梨噪野禽

不見葉家全盛日繭園荒廢子孫貧尙餘磊砢林間石

醉後狂呼拜丈人

葉氏牛繭園今廢佳石尙存

春暮沈子

綱尙邀同高明經崇瑞徐其衍劉福疇

兩秀才泛舟遊芥山

春風吹遊人春水何迢迢載酒出北郭扶我登蘭橈
翩翻二三子不待折柬招飛花被脩坂垂楊罨平橋打槳
二十里片席隨飄搖幕見岡嶺秀迥出陵與喬窈窕潑
新翠螺黛凌煙霄緬想陳睂公卜築山之坳貴遊盛聲
氣通隱或見嘲要亦高曠流兼復耽風騷我來訪遺跡
餘韻殊蕭寥叢篁蔭密幽禽弄啾啾非恣耳目娛頗
覺神理超足蘭窹余步未得升崇椒白雲滃然起橫截
西峯腰流連光景夕斜陽滿歸舫樵歌不能答贈子以
長謠

渡黃浦至平湖

春申浦口午潮至，
餘陽潮始平。風便東湖挂帆去，
弄珠樓上笛三更。

上巳前一日徐雪廬招飲弄珠樓得詩八首

一湖新水展冰紉，
柳外桃花帶雨寒。聞說主人飛舄去，

春風招我上樓看。

李海帆明府時適以事赴郡不得晤

不踏長安十丈塵，
風流白袷試衣新。孝廉船泊垂楊底，

道似山人謝茂秦。

雪廬右呂近有疾

關千倚徧白雲天，
拍拍鳬鷺破水煙。對面忽看孤檣湧，

湖光倒浸佛光圓。

風光又是暮春初，觴咏流連少長俱。

時李公子來謁徐陸兩茂才俱至

寄語湖州通守道，也應憶著白頭無。

謂王君鳳生時攝南潯通判

父老焚香拜使君，甘棠堤畔欲斜曛。舊時海上經行處，

秦駐雲連澈浦雲。

余以丁巳脩築海鹽平湖石塘成親臨相視海鹽令任君澤和曰此公甘

棠堤也

世道羊腸大可嗟，欲將塵劫證毘邪。

謂李許齋

平生怕聽山

陽笛，一種銷魂又落花。

不見詩人吳髡牀，弄珠人去兩茫茫。鷹常山下東湖路，

暮雨梨花鎖斷腸。

髡牀姬人徐姓平湖人工詩善畫早天余爲題弄珠小影髡牀沒後並墓

永安

湖上

詩句鏘鏘字不磨人言三過似東坡前遊歷歷都如夢
泥爪無如此地多

哭李許齋

天道真難問斯人因網羅輕生吾未解負屈爾如何碑

勒當湖在

余過平湖百姓知許齋之變皆爲稱冤

棠栽遠隔多

聞江漳諸郡人俱欲

爲許齋建祠

孤兒誰可托遺札寄嘉禾

許齋有遺札托孤於嘉興令趙君黻

過皂林

嘉靖三十五年倭寇從乍浦登陸趨嘉興總督胡宗憲檄泰將宗禮擊之先有王江涇之捷轉戰至崇德倭將犯杭禮率兵往皂林禦之賊衆甚盛而禮兵僅

數百人食盡救援不至禮受重創遇害事聞謚忠壯
建祠皂林今廢

尙憶前朝事將軍殉戰塵沙黃埋白骨月黑走青燐食
盡猶擐甲兵單竟殞身如何簫鼓散遺廟委荆榛

輓陳少司空鍾溪

君年過五十上有白頭親視我同前輩

余非翰林出身鍾溪嘗欲從余

學古文以前輩禮事余

憐才望後塵

僧子國棉爲鍾溪所識拔

江亭尊酒舊嘗

余江陰試院之知樂亭別後遂不復見

京國淚痕新大雅誰能繼斯文惜

此人

題華子潛先生六十言懷手蹟後二首

學士焚魚早幽棲戀碧山

先生歸後與碧山後十老詩會

松風茶夢覺

溪月草堂閒

姚山人卒施縣丞漸皆先生詩友姚所居爲茶夢閣施有武陵草堂

遺墨滄

桑後高名天地間言懷當六十初見鬢毛斑

曾讀巖居藁于今三百年園林付塵劫金石散雲烟逝者不可作風流誰復傳頽齡謝簪笏或不媿前賢

薄暮過白水山房

步屨響空林山房曲徑深月迎花外大風送竹間禽我問金丹訣君彈玉軫琴門前流水住此是道人心

山行

載酒山村入翠微落紅滿地綠陰肥黃鸝啼過春申廟

一路楊花點客衣

夜坐

虛館沈沈漏鼓過
檐前已見月西斜
支牀獨卧山窗靜
夢向天壇埽落花

山家

雨後天光向晚青
數間茅屋繞迴汀
松花一徑落如霰
煙際亂峯橫翠屏

閒窓

篆煙輕裊落花風
綠茗香濃酒未中
日日關門無客到
閒牕啼殺鼻亭公

山齋夏日

長日深山鶴夢遲
先天一卷問希夷
不知碧澗長松畔
消得仙人幾著棋

九峯菴

蘭若花深處
虛窗九塢連
夕陽多在水
午夢不離禪
石室松風滿
香龕佛火懸
鹿門觴詠地
笙吹散如煙
菴舊爲王園茅鹿門先生嘗遊此有笙吹入空花之句

春申澗

深山經古廟
茅屋白雲低
遠水落成澗
野花飛過溪
雨昏松鼠跳
日暝竹雞啼
更有滄洲興
五湖還在西

書江上遺民南略後

撰人不著姓氏多紀宏光時事

定鼎門西日已斜

馬王語

處堂燕雀尙如麻
孱王醉勸長

星酒狎客歌傳後苑花
南渡江山誰伏闕
中原戎馬但聞笳
滄桑畱得遺民在
禾黍叢殘記夢華

又書一絕

江左風流六代塵
春燈燕子送殘春
如何司馬門前客

偏有甘陵舊黨人

虞山曾與東林講會後入南都嘯阮懷寧爲宏光採選淑女不待他日始

名節埽地也

邢太守

對

來自揚州述李許齋之獄
督撫皆坐黜

以下論罪有差太守與許齋進士同年又向同官

浙江許齋則曩爲余薦舉者也前旣哭以詩復賦此
知君同榜復同官太息人間獨立難白日三山逢鬼蜮
黃泉一死見心肝許齋遺書中語聖明肯令成寃獄昭雪偏
嗟已蓋棺二十二年師友誼西風挂紙淚洸瀾

陳景辰約余再游張公善卷諸洞以書辭之燈下
罷酒忽忽入夢夢中得句醒卽書之

日暖石芝抽玉芽亂峯何處有仙家一聲孤磬夕陽裏
我欲醉眠餐紫霞

湖上

檻邊葦葉碧於苔五里湖光對面開偶向垂楊深處坐

白蘋風送酒船來

寄懷成鶴泉同年

落落朋交內如君老澗過青雲同調少白髮著書多華
頂懷前輩謂齊次風先生松門有舊寓縣知栖鶴處茅屋慣牽
蘿

江上寄曾鯨堂東安

寂寥身世兩茫然木葉聲中秋滿天何處驛樓吹畫角
隔江漁火出寒煙三更月上客初醉萬里潮平龍正眠
我欲寄書仍未達有人遙在嶽雲邊